

31 ottobre 2014

NOTIZIARIO PARETO DI VALBREVENNA



www.quellidipareto.it

 Pareto on line



IL PROF. FRANCO BAMPI CI SCRIVE...

Paio visto da 'n citadin de Zena

Se no ti savesci ch'ò gh'è, magari ti ghe rinunçiesci. A 'n certo ponto o dubbio d'avei piggiù 'na stradda ch'a no va da nisciunn-a parte o te vegne. Ma comensemmo da-o prinçipio, da quande da Buzalla ti vœ verso Casella. Pasâ Casella, dôtræ curve e in sciâ mancinn-a s'arve 'na stradda streita: l'é de li che bezeugna anâ. E comme t'æ lasciòu o mondo a-e teu spalle, te se presenta davanti, derê e da tutte e parte a belessa e o verde de 'na valadda ch'a l'é'n paradizo: a Val Brevenna! A ògni bivio bezeugna fâ atencion a pigiâ a direçion giusta e, se t'æ çernuo a stradda comme se deve, t'arivi a 'na gexetta ch'a pâ aröba da 'n prezepio: o Santoaio de l'Ægoa. Pöco ciù avanti, in sciâ mancinn-a, gh'è 'n strazetto he 'na machina a ghe passa a îsa a îsa. De de li, dixè o cartello, s'ariva a Paio. Coscì, domandando a graçia a-o Segnò de no incontrâ de machine che chinn-an, ti comensi a montâ. E ti vœ tramezo a-e mâvegge da natua pe razonze Paio... ch'ò no l'ariva mai! 'Na machina ti l'incontri de seguò (manco o Segnò o peu fa quello miracolo) e, quande te vegne a coæ de tornâ inderê t'acapisci d'ese arivòu. Sciben che no gh'è do pòsto pe postegiâ, tutti posteggian, öriæ dî, meglio che a Zena. A gente a l'é cordiale, zeneize, gente nòstra: se ghe sta ben a Paio e l'é 'na demoa incontrâ a Laora Parödi e i canterin pe vive 'na giornâ a l'antiga.

